



~~11-58.~~

EX BIBLIOTH.
NATIONIS HUNGAR.

VITEBERG.

11-58.

SIGNAT. MDLCCCLXIII.

Q. D. B. P.

45

GYMNASII ZITTAVIENSIS
PATRONOS & FAUTORES

decenter invitāt

M. Godofredus Hoffmannus, Rector,

ad

benignè audiendas

VALEDICTORIAS,

qvas

duo ingenui Juvenes,

Fratres germani,

JOHANNES ANTONIUS

&

CONRADUS FRÜSMARUS

LINGII,

Jevera-Frisii,

in

ACADEMIAM

ē

GYMNASIO ZITTAVIENSI

dimittendi,

An: MDCXXI d. Maji hor: II. matut.

publicè habere
constituerunt.

ZITTAVIÆ.

Typis Michaelis Hartmanni.

[1711]

Ad
Admodum Reverendum
DN. M. JOH. BERNHARDUM
LINGIUM,
Jeverâ-Frisium,
Pastorem Ecclesiæ in vico Wiewelfensi
benè meritum,
EPISTOLA
M. Godofr. Hoffmanni,
Rect. Gymn. Zitt.

Fautor & Amice Honoratissime.



Istis ad me par Filiorum, qui secum tulerunt vires & animum
quæq; bona discendi, primùm in paternis ædibus, post per se-
ptem annos à Scholæ Jeverensis fidissimis Præceptoribus, Dn.
M. Gertmanno, Rectore, & Dn. Faselio, Con-Rectore, satis dextrè
preparati. Laubam veniebant an: M DCCIIIX, d. 3. April, cur-
ta quidem suppellectile instructi, magna tamen fiducia pleni,
futurum, ut Exterorum beneficentia suppleret, quæ paternarum ædium denega-
verat penuria. Neq; sua decipiebantur opinione; *Laubani* enim more suo, h. e.
benevole exceptos eosdem liberaliter habuerunt. Eodem anno me secuti Zittavi-
am plura hic invenerunt, quam speraverant. Major natu, Deo tam benignè auxi-
liante, facillè irrepebat in animum & beneficentiam *Prænobilissimi nostri Prætoris*,
Dn. JOH. CHRIST. NESENI, Viri, ad quem hic loci confugiunt plurimi indi-
gentes Musarum alumni, quemq; Deus fortè vel ideo vult esse improlem, ut eò
plures & majores aliorum liberis benefaciendi vires habeat. Is hebdomadatim
quinq; diebus mensam, quam vocant, liberalem vel gratuitam largitus paternè
prospexit Filio tuo, dignus sane, quem precibus Tuis singulariter commendatum
habeas. Huic subjungas Dn. Joh. Henr. POSSELTUM, Civem honestissi-
mum atq; Literatum, qui, ut nunquam suas frustra pulsari fores patitur à pau-
per-

perculis advenis, ita etiam hebdomadatim binis diebus cibavit *Filium tuum*; ad quem præterea ab aliis quosq; civibus ingenuis profecta fuerunt beneficia non pauca. Minor natu Filius non minora hic loci vitæ subsidia accepit à beneficiis incolis, præsertim à communi nostro literarum & scholastica Juventutis Patrono, *Prænobilissimo* Dn. JOH. WILH. NESENO, Jcto & Consule maxime merito, & ab Ejus Sorore, honestissima B. Mölleri Vidua, Victum largiter prospicientibus; præterea ædes Dn. *Randigii, Kunatha*, aliorumq; expertus est sibi benignè adspirantes. Horum omnium Benefactorum nomina hic legi vel ideo æquum duxi, ut, qui inter Zittanos precibus tuis Deo præcipuè sint commendandi, intelligas. Cæterum ita se apud nos gesserunt *Tui*, ut facile fuerit in se Exterorum flectere animos & reddere beneficos. Pietatis enim, modestiæ, verecundiæ, observantiæ ac obsequii studiosi ingenii vires sollicitè excoluerunt, quæq; discendo, quibus ad academica expeditius tractanda Juvenem præparari posse cognoverant. Hinc præter Latinitatis, Eloquentiæ & Logices culturam sectati etiam fuerunt alia studia Facultatum superiorum subsidiaria; *Major* linguas sacras & rudimenta positivo-polemici Theologiæ cum Dicitis S. Scripturæ probantibus, *Minor* res ad Jura, quibus se addidurus est, propius spectantes, sibi firmiter imprimendo. Et cum noverint, tantum quem valere eruditione & vita, quantum lingua vel eloquentia; multum industriæ posuerunt in excolendo Oratoriæ studio, cujus etiam publicè ediderunt specimina proprio Marte & aulu elaborata atq; memoriter habita. *Major* enim præterlapso anno disseruit, (1) de existentia Verbi divini ante tempora Mosis, *Oratione latina*; (2) de modo diem Dominicam à Studio Juventute dignè sanctificandi, *Orat. Lat.*: (3) die 29. Jul. in Natalem SERENISSIMI PRINCIPIS AC DOMINI, JOHANNIS AUGUSTI, DOMINI SUI CLEMENTISSIMI, *Orat. reut.*: (4) circa novi anni auspiciam de Statu Ecclesiæ Luth. præsentis, *Orat. lat.* (5) de Præparatione ad S. Cœnam, cum ad hæc epula Juventus Scholastica esset ducenda, *Orat. germ.*; (6) de officio Juvenis in Academiam dimittendi, ante abitum nonnullorum Candidatorum *Orat. Græcâ.* *Minor* natu Fratri in hoc exercitationum genere minimè cedens publice sex Orationes habuit, (1) de Monarchia prima, *lat.* (2) de Monarchia secunda, *lat.* (3) de Monarchia tertia, *lat.* (4) in Natalem CLEMENTISSIMI SUI PATRIÆ PATRIS, SERENISSIMI PRINCIPIS AC DOMINI, CAROLI WILHELMI, *teutonico-ligatam*; (5) de Statu Sveciæ moderno, *germ.*: (6) in memoriã Commilitonis cujusdem b. defuncti, *parentalem lat.* Nunc autem in Academiam abituri ultimum publicè dicent Vale, suum quisq; vitæ genus, vel Facultatem, cui se addidurus, pro virili dilaudando; atq; ita fraterna quadam contentione institu-

ta,

ta, laudes memorabit (1) *Major natu*, THEOLOGICÆ, (2) *Minor JURISPRUDEN-*
TICÆ. Cœterum ipsis post Valedictorias habitas publicè gratulabuntur è coetu Commi-
litionum duo bonæ itidem indolis Juvenes, & quidem (1) *Sermone Latino*, BERN-
HARDUS FRIDERICI, *Jeverâ - Frisus*, Conterraneus, Comes & Amicus Filio-
rum tuorum conjunctissimus, qui cum ipsis ad nos accessit, cum ipsis hic itidem
benè se gessit, discessurus nunc cum iisdem, nisi dilatio mediorum in Academia vi-
vendi è Patria mittendorum iter ejus in sequentem protruderet annum; (2) *orati-*
uncula iterum latina, CHRISTIANUS PHILIPPUS KRIEGER, *Zittaviensis*, cui
cum Filiis Tuis magna voluntatum & Studiorum intercessit conjunctio. His per-
actis proximo die recipient se Tui Wittebergam, spe freti, etiam ibi à Deo ipsis
conciliatum iri Patronos & Benefactores. Nec est, cur desperent de academicis
subsidiis, futuraq; Promotione sua. Jamjam enim CLEMENTISSIMI PATRIÆ
SUE PATRIS, SERENISSIMI PRINCIPIS AC DOMINI, CAROLI WIL-
HELMI, providentissimam affulgere sibi Gratiam intellexerunt. Præterea satis
apertum est, quo animo & voluntate in ipsos sint, *Perillultris* Dn. Baro HAR:
JOACH, de CLOSTER, magnus ille Principis Anhaltini Minister & omnium Col-
legiorum Jeverens. Præses splendidissimus; *Summè Reverendus* Dn. FLOR:
Blepperbein/S S. Theol. D. venerabilis Consistorii Jeverâ - Anhaltini Consili-
arius, Superintendens & Pastor Prim. Ecclesiæ Jeverens: longè meritus; nec non
Nobilissimus Dn. JOH. CHRISTOPH. AMELOUNXEN. J Ctus & Consul apud
Jeverenses benè meritus. Horum omnium Mecænatum Gratiam, Patrocinium,
juvandi & promovendi Promptitudinem ut summa veneratione & pietatis cultu
prosequuntur *nostri Lingii*; ita quicquid boni conferetur in hos Juvenes, in gra-
tos atq; dignos collatum iri confidimus. Tibi vero, Vir optime, ex animo gra-
tulator de exoptatissimo precum & curarum tuarum successu, atq; precor, ut porro
desideriis paternis filiorum respondeat felicitas. Largiatur Deus ipsis ejusmodi
Docentes, qui Spiritu Sapientiæ atq; fidei impleti, quæ optima est, viâ sibi con-
creditos ducant, juveniles verò Discipulorum animos regat, ut Ductoribus, inpri-
mis verò ipsi Ductori certissimo se obsequentes præbeant, & quibuscunq; of-
fendiculis, in quæ infeliciter magnoq; suo cum damno tot alii dudum impogere,
prudenter vitatis, piè docti & doctè pii evadant, Faxit idem Vitæ & Salutis
nostræ Autor et Director benignissimus; ut tandem Filii ex voto formati inter
amplexus paternos feliciter redeant, piæq; industriæ suæ, in Senectutis
tuæ solatium & ornamentum, larga deportent præmia.

Vale! dab. Zittaviæ d. Maji an:

M D C C X I.

Ung. VI 58. (1)

ULB Halle

3


002 686 287



56,

VD17
Sep. 2000 Pcl.







45

Q. D. B. V.
GYMNASII ZITTAVIENSIS
PATRONOS & FAUTORES
decenter invitat
M. Godofredus Hoffmannus, Rector,
ad
benignè audiendas
VALEDICTORIAS,
qvas
duo ingenui Juvenes,
Fratres germani,
JOHANNES ANTONIUS
&
CONRADUS FRÜSMARUS
LINGII,
Jeverâ-Frifii,
in
ACADEMIAM
ê
GYMNASIO ZITTAVIENSI
dimittendi,
An: MDCCXI d. Maji hor: IIX. matut.
publicè habere
constituerunt.

ZITTAVIÆ.
Typis Michaelis Hartmanni.

[701]